

## **Kalaallit Nunaanni sulisilluni ajoqusersinnaanermut isumannaarineq pillugu inatsisip atuutilersinneqarneranik peqqussut naapertorlugu 1. januar 2015-mit aningaasat tunniunneqartartut annertussusii pillugit nalunaarut**

Kalaallit Nunaanni sulisilluni ajoqusersinnaanermut isumannaarineq pillugu inatsisimmi nr. 1528, 21. december 2010-meersumi § 64, imm. 1, § 74, imm. 2 aamma § 76, imm. 5 naapertorlugit makku aalajangersarneqarput:

### *Sulisilluni ajoqusernerit 1. januar 2015-mi kingusinnerusukkulluunniit pisut*

§ 1. Sulisilluni ajoqusernerit 1. januar 2015-mit tamatumaluunniit kingorna pisut pillugit makku aalajangersarneqarput:

- 1) Peqqussummi § 28, imm. 3-mi ukiumut akissarsiat annerpaaffissaattut taaneqartoq qaffaavigineqarpoq 498.000 kr.-inngorlugu, tak. § 29, imm. 1.
- 2) Peqqussummi § 28, imm. 4 aamma 5-ni ukiumut akissarsiat minnerpaaffissaattut taaneqartoq qaffaavigineqarpoq 62.300 kr.-inngorlugu, tak. § 29, imm. 2.
- 3) Peqqussummi § 22, imm. 3 aamma 4-ni ajuuteqalernermi aningaasat taarsiissutaasussatut taaneqartut qaffaavigineqarput 830.000 kr.-inngorlugit, tak. § 29, imm. 1.
- 4) Peqqussummi § 23, imm. 1-mi toqumik kinguneqartitsisimatillugu aningaasat ikaarsaariarnermi tunniunneqartussatut taaneqartut qaffaavigineqarput 155.600 kr.-inngorlugit, tak. § 29, imm. 2.

§ 2. Sulisilluni ajoqusernerit 1. januar 2015-mit tamatumaluunniit kingorna pisunut pisartagarititat naatsorsornerannut iluarsiivigineqarnerannullu tunngaviumik akissarsiat aallaaviusussat tassaapput inatsimmi § 28, imm. 1-7-ni ukiumut akissarsiatut aalajangersakkat 55.200/62.300-mik gangerlugit.

§ 3. Ingerlaavartumik pisartagaq 1. januar 2015-mit tamatumaluunniit kingorna annertussusilerneqarpat, pisartagaq aallarnerfianit tunngaviumik akissarsianut naapertuuttoq 12,8 pct.-imik ilassuserlugu tunniunneqartassaaq.

### *Sulisilluni ajoqusernerit 1. januar 2011-mit 31. december 2014-mut pisut*

§ 4. Ingerlaavartumik pisartagaq 1. januar 2015 aallarnerfigalugu tunngaviumik akissarsianut naapertuuttoq 12,8 pct.-imik ilassuserlugu tunniunneqartassaaq.

*Imm. 2.* Ingerlaavartumik pisartagaq 1. januar 2015-mit tamatumaluunniit kingorna annertussusilerneqarpat, pisartagaq aallarnerfianit tunngaviumik akissarsianut naapertuuttoq 12,8 pct.-imik ilassuserlugu tunniunneqartassaaq.

*Imm. 3.* Inatsimmi § 22, imm. 3 aamma 4-mi aningaasat ajuuteqalernernut taarsiissutaasussatut taaneqartut 830.000 kr.-nngorlugit qaffanneqassapput.

*Imm. 4.* Toqusqqartillugu ikaarsaariarnermi tunniuttakkat inatsimmi § 23, imm. 1-mi taaneqartut 155.000 kr.-nngorlugit qaffanneqassapput.

*Sulisilluni ajoqusernerit 1. januar 2009-mit 31. december 2010-mut pisut*

§ 5. Peqqussut nr. 991, 3. oktober 2008-meersoq naapertorlugu ullormusiat ingerlaavartumillu ukiumut pisartakkat 1. januar 2015 aallernerfigalugu pisartagarititatut annertussusiligaq 12,8 pct.-imik ilassuserlugu tunniunneqartassaaq, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 7.

*Imm.* 2. Ullormusiat imaluunniit ingerlaavartumik pisartagarititat 1. januar 2015-mit tamatumaluunniit kingorna annertussusilerneqarpata ullormusiat imaluunniit pisartagaq tunniussisarnerit aallernerfiannit ingerlaavartumik pisartagarititaq 12,8 pct.-imik ilassuserlugit tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 7.

*Imm.* 3. Ullormusiat sapaatip akunneranut 4.135 kr.-ninit annertunerussanngillat, tak. peqqussummi § 19, imm. 2.

*Imm.* 4. Peqqussummi § 23, imm. 3 aamma 4-mi aningaasat ajuuteqalernernut taarsiissutaasussatut taaneqartut 830.000 kr.-nngorlugit qaffanneqassapput.

*Imm.* 5. Toqusoqqartillugu ikaarsaariarnermi tunniuttakkat peqqussummi § 24, imm. 1-mi taaneqartut 155.600 kr.-nngorlugit qaffanneqassapput.

*Sulisilluni ajoqusernerit 1.oktober 1996-imit 31. december 2008-mut pisut*

§ 6. Peqqussut nr. 818, 11. september 1996-meersoq aamma peqqussut nr. 273, 24. april 2001-meersoq naapertorlugit ullormusiat ingerlaavartumillu ukiumut pisartakkat 1. januar 2015 aallernerfigalugu tunniuttakkap annertussusia 12,8 pct.-imik ilassuserlugit tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 5 aamma 6.

*Imm.* 2. Ullormusiat imaluunniit ingerlaavartumik pisartagarititat 1. januar 2015-mit tamatumaluunniit kingorna annertussusilerneqarpata ullormusiat imaluunniit pisartakkat tunniunneqartarfiat aallernerfigalugu ingerlaavartumik pisartagarititat 12,8 pct.-imik ilassuserlugit tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 5 aamma 6.

*Imm.* 3. Ullormusiat sapaatip akunneranut 4.135 kr.-nit annertunerussanngillat, tak. peqqussummi § 32, imm. 2.

*Imm.* 4. Peqqussummi § 38, imm. 3 aamma 4-mi aningaasat ajuuteqalernernut taarsiissutaasussatut taaneqartut 604.000 kr.-nngorlugit qaffanneqassapput.

*Imm.* 5. Toqusoqqartillugu ikaarsaariarnermi tunniuttakkat peqqussummi § 40, imm. 1-mi taaneqartut 155.600 kr.-nngorlugit qaffanneqassapput.

*Sulisilluni ajoqusernerit 1.april 1984-mit 30. september 1996-imut pisut*

§ 7. Peqqussut nr. 558, 28. december 1979-meersoq aamma peqqussut nr. 145, 16. marts 1988-meersoq naapertorlugit ullormusiat ingerlaavartumillu ukiumut pisartakkat 1. januar 2015 aallernerfigalugu tunniuttakkap annertussusia 12,8 pct.-imik ilassuserlugu tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 3 aamma 4.

*Imm.* 2. Peqqussut nr. 558, 28. december 1979-meersoq imaluunniit peqqussut nr. 145, 16. marts 1988-meersoq naapertorlugit ullormusiat imaluunniit ingerlaavartumik pisartagarititat 1. januar 2015-mit tamatumaluunniit kingorna annertussusilerneqarpata ullormusiat imaluunniit pisartakkat tunniunneqartarfiat aallernerfigalugu ingerlaavartumik pisartagarititat 12,8 pct.-imik ilassuserlugit

tunniunneqartassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 3 aamma 4.

*Imm. 3.* Ullormusiat sapaatip akunneranut 4.135 kr.-nit annertunerussanngillat, tak. peqqussummi § 27, imm. 2.

*Imm. 4.* Peqqussummi § 34, imm. 3-mi aningaasat ajuuteqalernernut taarsiissutaasussatut taaneqartut 60.500 kr.-nngorlugit qaffanneqassapput.

*Imm. 5.* Toqusoqqartillugu ikaarsaariarnermi tunniuttakkat peqqussummi § 36, imm. 1-mi taaneqartut 155.600 kr.-nngorlugit qaffanneqassapput.

#### *Sulisilluni ajoqusernerit 1. januar 1980-imit 31.marts 1984-imit pisut*

**§ 8.** Peqqussut nr. 558, 28. december 1979-meersoq naapertorlugu ingerlaavartumik ukiumut pisartakkat 1. januar 2015 aallarnerfigalugu pisartagarititatus annertussusiligaaq 12,8 pct.-imik ilassuserlugu tunniunneqartassaaq, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 2.

*Imm. 2.* Ingerlaavartumik pisartagarititatus 1. januar 2015-mit tamatumaluunniit kingorna peqqussut nr. 558, 28. december 1979-meersoq naapertorlugu annertussusilerneqarpata pisartakkanik tunniussisarnerit aallarnerfiannit pisartagarititatus 12,8 pct.-imik ilassuserlugu tunniunneqartassaaq, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 2.

*Imm. 3.* Peqqussummi nr. 558, 28. december 1979-meersumi § 34, imm. 3-mi aningaasat ajuuteqalernernut taarsiissutaasussatut taaneqartut 60.500 kr.-nngorlugit qaffanneqassapput.

*Imm. 4.* Peqqussummi nr. 558, 28. december 1979-meersumi toqusoqqartillugu ikaarsaariarnermi tunniuttakkat § 36, imm. 1-mi taaneqartut 155.600 kr.-nngorlugit qaffanneqassapput.

#### *Ajunaarnerit 1. juli 1962-imit 31. december 1979-imit pisut*

**§ 9.** Ajunaarnerinnaanermut sillimmasiisarnermik aqqissuussineq malillugu ukiumut erniat ingerlaavartut 1. januar 2015 aallarnerfigalugu erniat massakkut annertussusiat 12,8 pct.-imik ilallugit tunniunneqassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 1.

*Imm. 2.* Ajunaarnerit 1. januar 1980 sioqqullugu pisut 1. januar 2012-imi tamatumaluunniit kingorna erniaat ingerlaavartut annertussusilerneqarsimappata aallartiffimmiit tassanga erniat 12,8 pct.-imik ilallugit tunniunneqassapput, tak. Kalaallit Nunaanni sulisilluni ajoqusersinnaannerup isumannaarnissaa pillugu inatsimmi § 77, imm. 1.

*Imm. 3.* Aalajangersakkaat taakku ajunaarsinnaanermut sillimmasiisarnermik aqqissuussinermi §§ 55 aamma 59, imm. 1 malillugit sillimmasiussanut atuutinngillat.

#### *Akunnaalliliineq*

**§ 10.** Ukiumut ingerlaavartumik pisartagarititatus 12-imik agguarneqarsinnaanngitsut koruuninut 12-imik agguarneqarsinnaasunut qaninnerpaanut qaffanneqassapput.

#### *Nerisaqarneq ineqarnerlu*

**§ 11.** Inunnut sulisitsisuminni najugaqartunut nerisaqarneq ineqarnerlu ukiumut 38.300 kr.-nik naleqartinneqartussatut aalajangiunneqarpoq. Nerisaqarneq kisimi ullormut 85 kr.-nik naleqartinneqartussatut aalajangiunneqarpoq.

*Isarussat*

§ 12. Aningaasat isarussanut taarsiissutaasinnaasut qaffasinnerpaaffigaat 1.106 kr.

*Suliat Kalaallit Nunaanni sulisilluni ajoqusersinnaanermut isumannaarineq pillugu inatsimmi ilanngunneqartut suliarinerannut Arbejdsskadestyrelsen aamma Ankestyrelsen akigititai*

§ 13. Pissutsit Kalaallit Nunaanni sulisilluni ajoqusersinnaanermut isumannaarineq pillugu inatsimmi aamma peqqussutini siusinnerusukkut atuuttuni ilanngunneqartut pillugit aamma sillimmasiisarfinnut imaluunniit Arbejdsmarkedets Erhvervssygdomssikringimut tunngasunik Arbejdsskadestyrelsen suliarinninneranut, tak. inatsimmi § 64, akit makku malillugit akiliisoqartassaaq:

- |   |       |
|---|-------|
| 1) Suliasat nutaamik nalunaarutigineqartut  |       |
| a) atortut ikiuutit, isarussa il.il. ajoqutaat,   | 2.207 |
| b) ajunaarnerit   | 4.096 |
| c) ajunaarnerit aamma sivikitsumik ajoqusiisumik sunniutit,   |       |
| 1. januar 2009 sioqqullugu pisut  | 4.096 |
| d) tassaangaannartumik kivitsinermi ajoqusernerit,  |       |
| 1. januar 2009 sioqqullugu pisut  | 3.490 |
| e) inuutissarsiummit nappaatigilikkat,  | 4.812 |
| f) suliat inuussutissarsiummit nappaatigilikkat pillugit ataatsimii-<br>titamut saqqummiunneqartussanut ilassutitut akiliut | 2.403 |
| 2) Iluarsiissuteqarnerit suliareqqiinerillu   |       |
| a) atortut ikiuutit, isarussat il.il.,  | 1.376 |
| b) ajunaarnerit   | 2.456 |
| c) sivikitsumik ajoqusiisumik sunniutit,  | 2.456 |
| 1. januar 2009 sioqqullugu pisut  |       |
| d) tassangaannartumik kivitsinermi ajoqusernerit,   |       |
| 1. januar 2009 sioqqullugu pisut  | 2.572 |
| e) inuutissarsiornermi nappaatigilikkanut.  | 2.784 |

§ 14. Suliat 1. januar 2015-mi kingusinnerusukkulluunniit suliakkiissutigineqartunik Ankestyrelsen suliamik ataatsimik suliarinninneranut aki 9.172 kr.-iuvoq. Aalajangiisoqarnerit tamaasa Ankestyrelse suliamik pilersitsisassaaq.

*Kalaallit Nunaanni sulisilluni ajoqusersinnaanermut isumannaarineq pillugu inatsimmi § 74 aamma Taarsiissuteqarnissamut akisussaassuseqarnermik inatsisip Kalaallit Nunaanni atortuulersinnissannik peqqussummi nr. 796, 1. oktober 1993-imeersumi § 10 malillugit oqaaseqaateqarnernut akiliut*

§ 15. Inatsimmi § 74 malillugu oqaaseqaatit akit makku malillugit akilerneqassapput:

- |  |       |
|--|-------|
| 1) Inuussutissarsiorsinnaassutsimik annaasaqarneq pillugu imalimmik<br>oqaaseqaateqarneq | 8.100 |
| 2) Oqaaseqaatit allat  | 4.700 |

*Imm. 2.* Oqaaseqaatinik allanik oqaaseqaateqaqqusineq apeqqutaatinaagu suliat pillugit allagaatit taaneqartut tunngavigalugit ajoqusertup siunissami inuussutissarsiorsinnaassutsimik annaasaqarsinnaanera utaqqiissaagallartumik inaarutaasumilluunniit missingersorneqarsinnaanersoq pillugu piffissami taaneqartumi immikkut ittumik oqaaseqaateqarnermut imm. 1-imi oqaaseqatigiinni siullerni aki taaneqartoq malinneqassaaq.

*Imm. 3.* Oqaaseqaateqaqqusinermi imm. 1 aamma 2 malillugu aki akilerneqassaaq.

*Atuutilerfia*

**§ 16.** Nalunaarut manna atuutilerpoq ulloq 1. januar 2015.

*Arbejdsskadestyrelsen, ulloq 10. oktober 2014*

METTE FREDERIKSEN

/ Tor Even Münter